

清明懷溪山癸況

古水

壬辰年三月十四 / 2012-04-04

夫君子之立世，莫不蘊天下于懷，其任也重，其道也遠，故知徑險涂危，猶以身徇，瘡負千載之荷，瘁志萬世之安，歿而方已。噫乎！微志士，奚而匡我家邦！

曩者漢服運動之肇興，聚訟紛紜，臧否之論日塞江河。舉步維艱之際，賴諸君子出，董一衆議，寧息狂瀾，其中卓者，無甚于溪山癸況。

溪山其人也，情性真誠，于諸事明析之見，尠有出其右者，瞻畧燭乎前路，讜論響乎雲間。洎其爲漢服吧吧主，盡心竭力，吧風爲之一新。

其拳拳之赤心畢系復興大業，日與同志紬集文獻，裁勘制度，乃有冠笄禮、漢式昏禮之恢弘，學位服、奧運禮服之創舉。惜哉！溪山筆耕不輟，夙夜匪懈，竟乃由斯遽疾，年方而立盛年，寶劍光黯，錦雲淡舒，俾人扼腕搢目，嗟嘆不已！

余生也幸，適值太平。物質充盈，無飢餒之虞；條件優渥，無寒燠之患。然常憂禮樂淪佚、文明消湮，不知溪山其于是，亦有斯嘆歟？

往矣，故人。溪山之流徽也耳側，溪山之躅路也足下！